



ՎԵՀԱՓԱՌԻ ՀԱՅՐԱՊԵՏԸ ՎԻԵՆՆԱՅՈՒՄ

ՄԱՅԻՍԻ 17—24 օրերին ՎԵՀԱՓԱՌԻ ՀԱՅՐԱՊԵՏԸ անպաշտոն այցելությանը լինում է Վիեննայում՝ տեսակցություն ունենալու համար ամերիկահայ ծանոթ ազգայիններ **Ալեք Մանուկյանի** և **Տատուր Տատուրյանի** հետ, Մայր Աթոռի ապագա շինարարական գործերի առնչությամբ:

Մայիսի 17-ին, շաբաթ օրը, Վեհափառ Հայրապետը ժամանում է Վիեննայի միջազգային օդանավակայանը: Հայոց Հայրապետին ջերմորեն դիմավորում են Վիեննայի հայոց հոգևոր հովիվ **տ. Մեսրոպ Ծ. վրդ. Գրիգորյանը**, համայնքային վարչության անդամները՝ **պ. Սարգիս Կարապետյանի** գլխավորությամբ, և ողջ Վիեննահայ գաղութը:

Օդանավակայանում Հայոց Հայրապետի ժամանումը ողջունում են նաև Վիեննայի Մխիթարյան միաբանության արքահայր **տ. Մեսրոպ արքեպ. Հապուգյանը** և **պ. Տատուր Տատուրյանը**, որը մի քանի ժամ առաջ էր ժամանել Վիեննա: **Տ. Մեսրոպ Ծ. վարդապետը** բարի գալուստ է մաղթում, հանուն համայնքի, Հայոց Հայրապետին:

Վեհափառ Հայրապետը ողջունում է բոլոր ներկաներին և, Իր օրհնությունը բաշխելուց հետո, առաջնորդվում Վիեննայի Իմպերիալ հյուրանոցը:

Մայիսի 18-ին, կիրակի օրը. Երկրորդ Ծաղկազարդ. Վիեննայի հայոց **ս. Հովհաննես եկեղեցում** հանդիսավոր **ս. պատարագ** է մատուցում հոգևոր հովիվ **տ. Մեսրոպ Ծ. վրդ. Գրիգորյանը**՝ ի ներկայության Վիեննայի ողջ հայ գաղութի, որը եկել էր մի անգամ ևս ողջունելու Հայոց Հայրապետին, լսելու Նրա հայրապետական պատգամն ու ստանալու օրհնությունը:

Ս. պատարագին ներկա է լինում նաև Հայոց Հայրապետը և «Հայր մեր»-ից առաջ, բոլոր ներկաներին հաղորդելով **ս. Էջմիածնի օրհնությունն** ու հայրապետական Իր ողջույնը, Բանին կենաց ոգեշունչ քարոզությամբ մխիթարում Իր հոգևոր զավակներին:

Ս. պատարագին ներկա է լինում նաև Մյունխենից ժամանած հայ պատվիրակությունը, որը մասնավոր սիրով եկել էր ողջունելու Հայոց Հայրապետին և ստանալու Նրա սուրբ օրհնությունը:

Հետմիջօրեի ժամը 13-ին Վիեննայի հայոց հոգևոր հովվությունն ու համայնքային վարչությունն ի պատիվ Հայոց Հայրապետի Իմպերիալ հյուրանոցում կազմակերպում են բարիգալստյան ընդունելություն, որին ներկա է լինում նաև Մյունխենից ժամանած հայ պատգամավորների խումբը:

Հյուրերի թվում էր նաև Մխիթարյան միաբանության արքահայր **տ. Մեսրոպ արքեպ. Հապուգյանը**:

Ընդունելության ժամանակ տ. Մեսրոպ Ծ. վրդ. Գրիգորյանը, հանուն իր, եկեղեցական վարչության և ողջ համայնքի, որդիական սիրո և երախտագիտական զգացմունքներով բարի գալուստ է մաղթում Հայոց Հայրապետին և հաջողություն՝ Նրա եկեղեցանվեր, հայրենաշեն բոլոր ձեռնարկներին:

Վեհափառ Հայրապետը Իր պատասխան խոսքում գոհունակություն է հայտնում ջերմ դիմավորության և հանուն համայնքի արտասանված որդիական անկեղծ ու խորը խոսքերի համար և Իր շնորհաբեր ներկայությամբ և օրհնությամբ մխիթարում բոլորին:

Ընդունելությունն անցնում է արտագին մթնոլորտում:

Մայիսի 19-ին, երկուշաբթի օրը, առավոտյան ժամը 11-ին, Վիեննա է ժամանում պ. Ալեք Մանուկյանը՝ իր ազնվափայլ տիկնոջ հետ և Իմպերիալ հյուրանոցում բարի գալուստ մաղթում Ամենայն Հայոց Հայրապետին:

Մայիսի 19—21 օրերին Իմպերիալ հյուրանոցում, Ամենայն Հայոց Հայրապետին հատկացված մասնավոր ու շքեղ հարկաբաժնում, տեղի են ունենում խորհրդակցություններ Վեհափառ Հայրապետի, պ. Ալեք Մանուկյանի և պ. Տատուր Տատուրյանի միջև՝ գլխավորաբար Մայր Աթոռի շինարարական ապագա ծրագրերի կենսագործման մասին:

Մայիսի 21-ին, չորեքշաբթի օրը, առավոտյան ժամը 11-ին, Իմպերիալ հյուրանոցում Ամենայն Հայոց Հայրապետին է այցելում իր շքախմբով Ավստրիայի կաթոլիկ եկեղեցու պետ Նորին Վսեմություն կարդինալ Ֆրանց Գյոնգլը և, ողջունելով Հայոց Հայրապետին, բարի գալուստ է մաղթում:

Երկու մեծ հովվապետների միջև տեղի է ունենում մտերմիկ զրույց, արտագին մթնոլորտում:

Զրույցին ներկա են լինում նաև տ. Մեսրոպ Ծ. վարդապետը, պ. Սարգիս Կարապետյանը, տեր և տիկին Ալեք Մանուկյանը:

Մայիսի 21-ին, չորեքշաբթի, օրվա երկրորդ կեսին, պ. Ալեք Մանուկյանը իր հարգելի տիկնոջ հետ և պ. Տատուր Տատուրյանը, հրաժեշտ առնելով Հայոց Հայրապետից ջերմ ու արտագին մթնոլորտում, մեկնում են ԱՄՆ:

Մայիսի 22-ին, հինգշաբթի օրը, առավոտյան ժամերին, Վեհափառ Հայրապետը հյուրանոցի Իր հարկաբաժնում բարեհաճում է ընդունել մի շարք այցելություններ:

Երեկոյան ս. Հովհաննես եկեղեցուն առընթեր Գալուստ Կյուպեմկյան մշակութային սրահում Վեհափառ Հայրապետը հանդիպում է ունենում վիեննահայ համալսարանական ուսանողական միության ավելի քան 50 անդամների հետ, որոնք եկել էին ստանալու Հայոց Հայրապետի օրհնությունը:

Վեհափառ Հայրապետը հայրական մասնավոր սիրով ու գուրգուրանքով ընդունում է երիտասարդ ու խանդավառ այդ հոգիներին, խոսում, խրախուսում, Իր ողջույնն ու օրհնությունը բաշխում բոլորին, պատմում հայրենիքի հայ ուսանողական կյանքից, բարեմաղթում, որ հաջողությամբ ավարտեն իրենց համալսարանական բարձրագույն կրթությունը, և հորդորում, որ իրենց ապագա կյանքով և գործունեությամբ անբաժան կերպով կապված մնան միշտ հայ իրականության հետ և, հատկապես, վերածնված մայր հայրենիքի իրականության և մեր ազգային-մշակութային կյանքին ու հոգևոր արժեքներին, ապագայում, մի երջանիկ օր, մայր հայրենիքի քաղաքացիներ լինելու իղձով ու տեսիլքով:

Մայիսի 23-ին, ուրբաթ օրը, առավոտյան ժամը 10-ին, Վեհափառ Հայրապետը, ընկերակցությամբ տ. Մեսրոպ Ծ. վարդապետի, փոխ-այցելու-

թյուն է տալիս Ավստրիայի կարդինալ Նորին Վսեմություն **Ֆրանց Գյունիզին**՝ նրա կարդինալական ապարանքում, և ուր արժանանում է հարգալիք մեծարանքի և ընդունելության: Սիրալիք զրույցի ընթացքում Հայոց Հայրապետն ու կարդինալը հուշանվերներ են փոխանակում:

Ժամը 13-ին Հայոց Հայրապետը, սիրալիք հրավերովը Վիեննայի Մխիթարյան հայրերի, այցելում է վանք և զրույց ունենում աքբահոր ու միաբանների հետ և ճաշում միաբանության և ուսանողության հետ, վանական սեղանատանը:

Երեկոյան ժամը 17-ին Հայոց Հայրապետի բարձր նախագահության ներքո գումարվում է Վիեննայի համայնքային վարչության նիստը Իմպերիալ հյուրանոցում: Ն. Ս. Օծությունը ծանոթանում է նոր կազմված համայնքային կանոնադրության նախագծին, Իր թելադրությունն անում և մաղթում, որ այդ կանոնադրությունը շուտով ստանա իր վերջնական ձևը՝ վավերացվելով կառավարության կողմից:

Նույն երեկոյան, ավելի ուշ, ս. Հովհաննես եկեղեցուն առընթեր Գալուստ Կյուլպենկյան մշակութային սրահում վիեննահայ տիկնանց միությունը թեյստեղանով պատվում է Հայոց Հայրապետին:

Վիեննայի Հայոց հոգևոր հովիվ տ. Մեսրոպ Ծ. վարդապետը խոսք առնելով ողջ համայնքի երախտագիտությունն է հայտնում Հայոց Հայրապետին այս անպաշտոն այցելության առիթով, որը, սակայն, իր հոգևոր իմաստով ու տպավորություններով և Հայոց Հայրապետի շնորհաբեր ներկայությամբ նվազ պակաս չեղավ, քան հայրապետական նախորդ երկու օրհնաբեր այցելությունները, 1961 և 1968 թվականներին:

Հրաժեշտի սեղանի շուրջ խոսք է առնում նաև **Վեհափառ Հայրապետը**, մի անգամ ևս բաշխում Մայր Աթոռ ս. Էջմիածնի օրհնությունն ու տալիս հայրապետական Իր ողջույնը բոլոր ներկաներին՝ նրանց սիրտն ու հոգին ողողելով Իր հավատքի կրակով, հայրենասիրական շնչով՝ հայ մնալու և հայ ապրելու սրտառույց պատգամով, միշտ կապված մեր ժողովրդի հավերժության երկու աղբյուրների՝ Մայր Աթոռ ս. Էջմիածնին և վերածնված մայր հողին հայոց:

Ընդունելության ժամանակ Վիեննայի հայոց համայնքային վարչության անդամ, գորգավաճառ պ. **Հակոբ Թարյանը** Մայր Աթոռին է նվիրում Ղարաբաղի հայկական մի գեղեցիկ գորգ:

Վեհափառ Հայրապետի Վիեննա գտնվելու առիթով Ջմյունհայի նախկին առաջնորդ և 1918 թվականին Իզմիրի բաժնում նահատակված տ. **Հակոբ-Աշոտ եպս. Փափագյանի** հարազատներից սթենաքնակ տիկին **Փափագյանը տ. Մեսրոպ Ծ. վրդ. Գրիգորյանի** միջոցով **Վեհափառ Հայրապետին** է հանձնում Մայր Աթոռի թանգարանի համար նահատակ տ. Հակոբ-Աշոտ սրբազանի եպիսկոպոսական մատանին:

Հիշատակն արդարոց օրհնությամբ եղիցի:

Մայիսի 24-ին, շաբաթ օրը, Վեհափառ Հայրապետը հրաժեշտ է առնում Վիեննայի համայնքից լավագույն ու սրտագին տպավորություններով և վերադառնում Մայր Աթոռ:

Հայոց Հայրապետին Վիեննայի միջազգային օդանավակայանում նա-նապարհում են տ. Մեսրոպ Ծ. վրդ. Գրիգորյանը, համայնքի վարչության անդամները, Մխիթարյան հայրեր և վիեննահայ ողջ համայնքը: